



近光集序

士君子生乎盛時有文學材藝以結知于明主詞章洋溢于館閣議論敷颺于朝廷所謂昭代偉人盛福全美者也梧桐生矣于彼高岡鳳皇鳴矣于彼朝陽奉匏羹妻雛匕噍噍吾嘗于故老人臣卷阿之詩誦之噫古之聖賢屯艱險難者多矣千載一時之遇所以為難得者哉集在廷祐間典故集賢學士鄱陽周公有同朝之好道義相激昂忠厚相敦尚非一日之契也今觀其嗣子伯温近光集備述至元至正所以蒙被

恩遇之盛司憲南海錄以為書萬里之外一食不敢忘居於戲盛哉惜乎吾集賢公教忠之勤培德之遠而不得



以喬年耆德覩其碧梧翠竹之聳壑昂霄也雖然歲時
燕享俎豆彝鼎神明未歆則亦有以大慰其心者矣集
踰七望八顏然山林亦豈不欣言故人之有子而用世
之有人也昔集賢公執帝王遺書以奉
仁皇帝之清燕不盡其用以待其子發明家學事
聖孫彌文熙洽之朝蓋三十年于茲矣風會雲合豈偶然
哉烏乎世為忠孝以承國家之福澤于無量此老叟所
望于契家人門者也雍虞集伯生甫書

今天子在位之八年當至元庚辰之歲斥大姦進羣才一
新治化時伯琦繇國史院編脩官選擢翰林修撰同知
制誥扈從大駕上京兩視草大廷遂以非才簡知
主上既而詔奉香酒以仲秋上丁代祀曲阜宣聖廟還
上命篆追上

明宗皇帝尊號玉寶書祝版陪禮

太室三賜衣幣是年十有一月三日建宣文閣又

詔篆題閣榜及閣室明年改元至正正月廿日

特命為授經郎復置經筵又命無經筵譯文官先是

授經郎學宮在宮門外隘陋弗稱于是有旨以玉
宮之西殿為學

上親選宿衛官及勳戚子弟年二十以下者三十人為弟子員受業閣下太官具膳笛守供帳皆出

上命是年復科舉取士制中書檄考試上都還進講賜金織對衣及青貂裘又明年廷試選為簾內官

上御宣文閣試弟子員稱白面賜中統鈔五千貫弟子員各繡衣材一籠入則通籍出則給傳又二年陞監書博士仍兼經筵兩頒璽書以示其異尋又命攝授經郎以教宮學是後日侍講讀歲兩有衣幣之賜今年

秋七月八日進講洪範

上御慈仁殿特命改崇文監丞參檢校書籍事旬日又命兼經筵參贊官賜卮酒兩頒璽書如前制中臺以

二

憲府重選宜用近臣迺奏拜廣東憲僉陞辭之日

上猶眷眷大臣以便養為言乃允官給上駟驛行而南中

塗以暇遂及文墨竊念先臣昔為

仁英西朝說書歷官清華嘗有撰製後二十年而伯琦又幸際

今上世守其職蓋叨祿于朝者一紀而在館閣者十年侍內廷班講席者五閱寒暑自惟積誠不至燭理不明不能有所感動裨益然現

聖上謙禮考文任賢使能日昃惻然與堯舜同德湯武同心職在論思千載一途非假文辭何似示久故自入侍至今凡拜恩寵陪典禮奉制敕承顧問侍游從則有紀

述歌詠所以揄揚

上德抒達下情庶幾詩人天保之意辭體俚近取于適時
固不敢泥于前代作者然當茲禮樂大興之日躬侍
九重挹清光其可以無鄙自少而使朝廷之盛美有
闕先臣之遺業無傳乎于是次其歲月彙為一編題之
曰近光集置諸篋中時而視之身雖江湖舉頭見日
天子之光只尺也抑着出入之迹而犬馬之情思有以自
效云至正五年歲乙酉九月廿四日朝散大夫僉海北
廣東道肅政廉訪司事鄱陽周伯琦伯溫自序

周翰林近光集卷第一

鄱陽周伯琦伯溫甫

歲庚辰四月廿七日車駕北巡次大口有

旨伯琦由編脩官陞除翰林脩撰同知制誥兼因
史院編脩官明日署事扈從上京

乘輿清暑記初程詔選文臣扈從行三字冰銜儒服貴千
年汗簡史家名下掄封菲慙庸學再上蓬瀛荷聖情風動
四方皆典訓馬班彝語更爭衡

還看庸閑二首

崇閑天險控幽燕萬疊青山百道泉絕壁雲霞龕佛像連
塵雞黍聚人烟炎涼頃刻成殊候華夏于今共一天我欲

登臨寫勝緊西風五月倍淒然
関南関北四十里玉壘殊関限西京列隊龍旂明輦路重
屯虎衛肅兵棠麻旆旆村無警榆柳青上寒有程却咲
燕然空勒石萬方今日盡升平

龍門

西山比立地望尊天作上京之南門雷雨低垂銀漢近蛟
龍出沒碧濤翻曾厓雲合泉声冷陰壑氷森晝影昏自是
職方形執大祝融太白搃籬藩

次韻王師魯待制史院題壁二首

大安御閣執峯亭華闕中天壯上京虹繞金隄晴浪細龍
蟠粉堞翠岡平衆星拱北乾坤大萬國朝元日月明分署

玉堂清似水簫韶時聽鳳皇声

宿有周廬候有亭興王規制陋西京日明草色千川碧雲
接松林萬里平寶輦薰風閭闔肅清臺午漏泰階明小臣
職在論思末日向庭前驗鵲声

宮詞

畫閣香銷暮雨晴珠簾半捲遠山明蒲萄初醒羅衣薄枕
上鷓弦撥不成

木難火齊當纏頭貼地金蓮步欲羞露濕銀床人語靜蟾
宮九夏是中秋

巫山隱約寶屏斜朝着重綿晝著紗徙倚牙床新睡足一
瓶芍藥當荷花

寶鑑當窓促曉粧金莖玉露奉君王菊花如錦秋風近願
似中間御愛黃
苑路東西色遙闌干曲曲似飛橋水晶殿外檐鈴響疑
是鑿與蚤散朝

上京襟詩十首

皇圖其正統朔易建神京地厚南坡暖天低北斗明禁垣
金茸閣朝市石為城盛業超前古侯王作榦楨
省方繩祖武清暑順天時法從嚴番直周廬肅羽儀
駝背展匝馬頭垂惟有都人士長望雨露私
西內西城外周圍十里中草陰迷輦路山色護離宮翠殿
光凝霧璇題影曳虹鳴鑿時一幸草木尽祥風

吉日開名宴崇班列上公馬鳴金腰裏冠耀玉玲瓏合樂
華夷混群羞水陸豐林林應述職能繼古人風
官曹多合署賈肆不常居事簡惟供億秋歸幸羨餘有人
磨鐵硯何日佩金魚直欲排閭闔猶疑畏簡書
水味分鹹淡嵐氣集暮朝烹炊心每厭衝冒疾偏饒斥鹵
元日海塗泥半是潮萬形皆幻寓隨分得逍遙
卑濕如天楚雄巖軼漢唐土床長伏火板屋頗通涼茵出
沙中羨椒生地上香忘歸江海客直欲比家鄉
水草饒芻壯生涯富遠氓旃簾聯雪屋馬酒溢瓊罌爛醉
無懷氏狂歌太古聲後車傾國色豔服更珠纓
聞說開都日双龍據海中良何方獻策精衛竟成功靈去

為雲雨呈居浚電虹黃圖三輔右載筆記昭融
扈從多餘暇後游視草堂特書兼左右染翰侍明光簡峻
程休父雄深馬子長微才無一技素食媿鶴行

次韻大學士康里子山公見寄二首

龍庭四面翠連峰碧草銀沙掩映中
十二天街清似水門前琪樹動秋風
瀛島高飛孤鳳皇不知人世有炎涼
獨憐短翮羈棲若五色文章照眼光

詐馬行有序

國家之制乘輿北幸上京歲以六月吉日命宿衛
大臣及近侍服所賜只孫珠翠金宝衣冠腰帶盛飾

名馬清晨自城外各持綵杖列隊馳入禁中于是
上盛服御殿臨觀乃大張宴為樂惟宗王戚里宿衛
大臣前列行酒餘各以所職叙坐合飲諸坊奏大樂
陳百戲如是者凡二日而罷其佩服日一易太官用
羊二千馱馬三匹它費稱是名之曰只孫宴只孫華
言一色衣也俗呼曰詐馬筵至元六年歲庚辰忝職
翰林扈從至上京六月廿一日與國子助教羅君叔
亨得縱觀烏回賦詐馬行以記所見

華鞍鏤玉^或綵駝彩鞞簇轡朱英重鈎膺障顱鞞鏡叢星
鈴綵校声瓏，高冠豔服皆王公良辰盛會如雲從明珠
絡翠光龍葱六繒縷金紆晴虹犀毗萬宝腰鞋紅揚鑣迅

策無笛蹤一躍千里真游龍
渥洼哥種皆避鋒
藹如飛仙集崆峒
垂鸞吟鳳來
曾空是時閭闔含薰風
上京六月如初冬
金友滴露冰華濃
水晶殿閣搖瀛蓬
扶桑海色朝曛曛
天子吉御龍
光宮袞衣玉璫回
重曛臨軒接下天
威崇大宴三口酣
群棕萬羊鬻
灸萬甕醲九州水陸千官供
冑延角觝主巧雄
紫衣妙舞腰細蜂
鈞天合奏春融融
師猊虎嘯
虬豹熊山呼
鼉拊萬姓同
曲闌紅藥翻
簾櫳柳枝飛蕩
搖蒼松錦花
瑤草烟茸
龍岡拱揖
灤水滾當年
定鼎成周
隆宗藩
啓石拍顧中興
王彝典歲一逢
癸揚祖德并宗功
康衢擊壤登時雍
豈獨燿武彰
聲容願今聖
壽齊華嵩四門大啓
達四聰
臣歌天保
君彤弓更圖
王會傳無窮

立秋日内庭視草

雞人應漏報新秋
冠佩侵晨侍袞旒
香案天光紆鳳尾
玉除雲影動螭頭
花明錦繡朱闌繞
殿茸金銀寶氣浮
坐致雍熙宵旰切
代言深媿古人優

七月十二日奉 詔以香酒使曲阜代祀

孔聖廟作

葱上佳氣擁龍光
尊湛流霞手致香
温詔面宣乘駟使
明禋心報綏麟鄉
金莖團露瑤臺潤
紫菊含風翠瑱涼
再拜將誠思復命
眼前彩鳳集朝陽

越五日別翰林諸友

分班扈蹕到灤京
侍從官閑暑氣清
聖主素知吾道重
頒

香特遣孔林行中原廟貌山月古萬代經常日月明慶祀
歸時迎大駕共陳經術貫承平

上京西月得從容視草堂前華影重黃閣宣麻書數紙大
官尚醞口千鍾題名已媿聯群玉善頌惟和擬華封玉事
期程行省日從今夜、夢鼇峰

過鎗竿嶺二首

風雨過鎗竿升高不憚難黑雲侵帽濕碧樹拂衣寒孤廟
依危辟飛泉走激湍茅簷夢初熟咲我據征鞍
高嶺薄青天晨光晦藹間雲中數十里馬上萬重山金井
龍噓靄青林豹隱班西風征袂冷俯視隘人寰

八月六日丁亥釋奠孔子廟三十韻

闕里宣尼宅儒林禮樂區右文昭代盛報德聖恩殊天語
頌中禁皇輅癸上都內廷香繞案光祿酒浮壺持節慙專
對于原慎載驅秋陽稀稼穡畫路足槐榆歷々由沂汶行
竹望泗洙岱宗標近甸魯殿沒荒蕪不見三家采唯餘五
父衢祀嚴彙日逼林近絕晨趨廢堞依脩阜危臺記舞雩
廟宮參象緯書閣壓城閣反宇周阿峻迴廊可步紆蛟鱗
璠玉粒端首響金鋪庭迴檜千尺壇虛杏數株省牲新雨
霽釋奠舊章敷闢戶陳邊俎登歌應瑟竽尊居玄聖儼侑
食列賢俱興俯鏘珮周旋謹履絢裸將宸意達祝告下
誠孚明燎輝雲陞祥熏集室炉共覲周典礼寧數漢規摹
似續于今盛欽崇自古無繚垣陰象魏穹石峙龜趺孤閣

青編貯双亭翠竹扶山用光拱揖泉井澤沾濡推本尊師
道題名述庙謨佇看爻束帛豈復歎乘桴制作先東魯朝
廷用大儒思生深有幸歸上孔林圖

望泰山作

維東有神嶽巍、薄青天連峰蔽日月峭嶽理雲烟金銀
峙宮闕琅玕種成田蛟龍蟠壑底鳶鵠巢曾顛紫望紀有
虞封禪遂帝聯然神匪有徼彝典自古先崇臺瞻秀色魯
國無山川何時登絕頂豁因窮垓埏

寿大李士康里公

台斗儲光灵為時產英賢世德契真宰喬木陰森然瀛洲
置身早臺閣清名懸巖、泰華尊肅、珪璋堅法書魏晉

上国論皋夔前儀刑瞻獨步寵渥方自天貂蟬鏘玉佩直
道鳴經筵金甌久有待勲業登凌烟軒冕雖衆同詩書能
自全斯文元氣在陽和小春先梅花屯岳实的磔芳信傳
敬持一卮酒仰祝庄椿年

題李奉使詩卷 并序

故通守滕李公嘗以工部郎中兩使安南招諭
前使時江南未附後使時至元二十年也其子
仕至吉安路通守其孫稷孟幽以進士為史官
暇日出示国初諸名公送行詩卷奉題二首

聖統開同軌儒臣使絕邊紫衣新命渥金節遠威宣驛路
梅花外番城海島前充庭來職貢風采列今傳

雕題承正朔口舌代干戈氣運于今盛人材比古多郎君
登撫仕孫子擢魏科文物声鉅魯勲名少伏波

九月十七日承 詔篆追號

明廟璽文錫宴中書有衣幣之賜

隆號先朝並兩儀詔新璽敲似生時俯摹倉頡星辰象仰
寫重華霜露思天派千年皇統正卿雲五色采豪搗金泥
玉檢人文炳拜手惟歌湛露詩

十月四日

今上親祀太廟前期備法駕宿齋是日漏下二鼓行禮天
清星朗熙事告成伯琦忝下執事謹賦七言八句
以頌

曉巖法駕藹雲從太室明煙屬孟冬圭衮龍章虔酌獻簫
韶鳳舞盛儀容華星綴露壺声永瑞靄騰空燎影重大禮
慶成宗社奉坐看寰海頌時雍

十一月廿八日承 詔篆題宣文閣榜作

詔題宮榜號宣文延閣山儲盡典墳自咲蟲魚箋爾雅敢
將蛇蚓擬凌雲明經重席從今見妙選登瀛在昔聞比屋
可封知百日經天緯地是吾君

斌得伏神洞送述律存道元帥赴雲南

洞在祥柯南產伏神
多奇狀飲其小者壽

山洞生靈藥圖經紀命名群柯春漲淼楚道暮烟明沃壤
三巴徼奇形二氣精趾顛俾凶象翼啄儼飛鳴潭菊增眉
壽胡麻益體輕化工均異品傳舍識初程草暖蒸灼服厓

嵌偃使旌垂囊肆憲茲聞笛想英莖香透仇池穴風清細柳管獻芹隨謝表偉績最南平

至正改元歲辛巳正月廿八日由翰林脩撰特拜

宣文閣投經郎兼經筵作

詞垣三紀歎才難翰林脩撰同知制誥兼延閣橫經益汗顏

子佩盡采宗胄貴儒冠忝後相臣班經筵以左右人文經緯

星辰上聖道流行宇宙間只尺天光如下聽芻蕘敢不竭

愚頑

四月十二日扈從乘輿汎舟西山玉泉次韻左

丞許公可用紀事廿韻

首夏清和候西郊山水鄉飛龍方利見鳴鳳盡高翔遊豫

三農慰巡視八駿驤采虹明斗蓋文鷁緩風檣劍佩鸞

序貂璫鵠肅行琬蓋移饗膳琛贄自梯航警蹕乾坤廓

旌日月揚五雲光郁九奏韻鏘七霧閣藏蓮界霞杯湛

桂漿洞巖晴拂黛草樹畫生香探妙由仁智怡神在弛張

紫鱗依密藻朱鷺戲回塘御榻瑤為陛離宮錦罽廂詩人

詠靈沼史氏紀昭陽卒歲立政登庸盛賡歌輔弼良靈祇

訶地勝畿甸拱天光熙洽當今日都俞集一堂宅中應錫

福治泰更包荒相業嵩衡峻詞源江漢長餘波私幸及播

頌殿西廊

欽承制書追封曾祖妣方夫人鄱陽縣君作

每慙不學忝曾孫幸拜馳恩及九原鄉國君封蘭檢絢里

閭母範栢舟存百年先志賚長夜今日天光照一門南望
故阡鄱水上白虹隱日擁魚軒

三遷嚴訓劇辛勤菽水終身卓行聞特命遂沾新詔墨遺
芳摠出舊書芸鳳岡宰樹明晴旭鶴表羨門藹宿雲翠琰
鏡銘昭不朽金鷲相望瑞網緼

是年復科舉取士制承中書檄以八月十九日至
上京即國子監為試院考試鄉貢進士紀事

上國興王地神州避暑宮規摹三代廓声教萬方隆至正
儒科復留司造士充周南麟趾厚冀北馬群空積雪寒無
夜清秋月正中氈圍環辟水彩華扇祥風殿陳寧韜劍先
登不待弓豹班開曉霧雉羽爛晴虹障候瞻卸魯都人想

鎬豐簾分堂上下區列院西東副楮行鴉螳緘名畫鳥蟲
厲防周四署塗抹眩雙瞳理到無優劣辭修有拙工神明
終日鑒造化四時公讎校稽魚豕銓題辨鷄鴻固知嚴繫
博敢以贖為聰天淨文星麗寒收士氣叢葦萊浮渭洛杞
梓出恒嵩偕計先章甫前驅軼小戎有人爭覩鳳何處
非熊合志官聯樂連床語咲同獸鑪團炭熾魚燭綴花紅
雕豆羞肴炙金卮奉酪醕環廬帷毳罰侍史服貂鼯扁鐻
虔朝暮閣兵慎始終更移壺滴瀝衙報鼓籠銅事憶歐蘇
遠詞懷賈董雄驛程心歷日雅奏日泐日聖統乾坤久人
文日月崇灤河天上出銀漢定相通

九月一日還自上京途中紀事十首

九月滌陽道寒烟暗遠峒有山皆積雪無水不成冰獵犬
高于鹿鳴鴉大似鷹欲為風土記問俗果誰馮
驛程無里數窪阜峻還低落日明駝背晴沙響馬蹄草枯
人少聚地凍路無泥近市聞喧咲郵亭又旅棲
行宮臨白海金碧出微茫飼豹仍分署韝鷹亦有房射熊
名鄙漢祝網德懷湯乾豆遵彝典人瞻日月光
牛羊群螳聚車帳亂星移芻牧因磽沃遷留順歲時宛駒
馳不乏蘆酒醉難支使客皆儒服寒風莫向吹
侵晨度偏嶺凜凜氣何偏獨石出平地青山半似燕近郊
初見樹夾道更流泉向晚衣頻減羈懷始豁然
龍門天下壯只尺異寒暄雲氣東西接泉声日夜喧柳榆

環岸塹瓜瓞擁籬樊頗似燕南道農家各有村
高嶺號槍竿危亭揭嶺顛四山皆培塿萬里盡平川草樹
秋猶秀冰霜石半堅全燕歸眼底佳氣鬱中天
洪贊地何高居人汲井勞二錢博斗水百丈曳修綯石亂
山餘骨沙深溪不毛豈知江海上終日厭波濤
懷來雖小縣城郭頗周嚴野市嚴兵騎溪橋颺酒帘唐碑
文未泯漢候吏無覘山色青堪綴岡頭為少淹
北口七十二居庸第一關峭厓屏列翠急澗玉鳴環佛閣
騰雲霧人家結市闌馬前軍吏候使節幾時還

題李老谷觀音壁

青山如波濤洶湧無涯涘危標會其交拔地相對峙何年

鑿空翠瀟洒見佛寺雲烟護重闌蛟龍固靈址松風振檐
鈴柳露洒窓紙雨花古巖空漱石飛泉駛孰知居庸北有
景乃如此境幽物色奇心豁眼無滓俯視征途中車馬塵
靡、陟高重盤桓虛軒屢徙倚悠然悟真幻上馬復少止

題畫楊妃調鸚鵡圖

朱顏鞞髮怯輕寒欲託奇毛吐肺肝想得劍闕春日暮夢
中猶作海棠看

壽許左丞可用 九月六日

相國簪紳表朝家寵錫專泰階耀箕尾北斗柄奎躔德望
丘山重文章日月懸位隆持左轄机要職三銓山甫心常
敬阿衡任益堅蒼生歸化育士類囿陶甄史繼龍門志經

傳鳳穴賢紫薇明曉日黃菊爛秋天善治真儒效斯文元
氣全媿從門下後仰祝八千年

十月十二日奉 詔以玉德殿西室為宮學大宿

衛官等二十五人行弟子禮作

學校尊崇盛典揚 詔遷 玉德殿西廊太官供帳調瓊膳
內相傳宣飲御觴授業慙無師道立明倫喜見國家昌皇
風即日還三代杞梓梗楠盡棟梁

十一月廿八日 明仁殿進 講作

龍旂簇仗曙光融藻幄橫經聖意隆上界星辰環北極中
天日月轉重瞳寶猊象帔凝霧瑞獸鑪明殿繞虹垂拱
無為猶訪治萬方声教一時同

伏承 恩賜青貂裘作

貂豹古來稱貴服龍光此日被寒儒金閨通籍聯環衛玉
署傳經忝範模挾纊虛言良足鄙賜袍巧制未為殊微軀
長在春風裏願播陽和徧九區

明日承 詔篆宣文閣寶作

閣篆新成勅篆篆昆吾試手尽毫芒六書點畫原河洛八
法鉤盤本籀倉媯油膺符弘制作陶唐稽古煥文章泰元
神英繇千葉微甄欣依日月光春秋運斗樞曰舜為天子黃龍
直回封兩端有篆文曰天皇狩
于此之作

至正二年歲壬午正月 明仁殿進 講易恒卦

賜金織綠色對衣一龍衣作

匪頒異數待殊勲閣下艱生亦與分壤奠色絲雲霧質天
机金縷鳳蛟文一時光彩生蓬華千載恩榮媿典墳佩服
終身傳世、羨墻旦夕對吾君

進講紀事廿韻呈左丞許公可用

神聖躬皇極文明際盛時九重森伏衛南面闢書帷翠璫
光風暢彤庭泚景遲貂蟬前領袖章甫序纓綏左轄心忠
告橫經旨細推貫珠平日蘊補衮百僚師黼宸頻紆春朝
紳盡解頤講論卑馬褚謨弼凝皋夔尚醞承恩渥官聯被
化私退班宮漏換布武殿陰移延閣因趨候西清更重窺
天章奎壁爛香案岱嵩竒宝繪名宗晉銀鈎法最隋制精
新琇瑰琢妙古壘彙群玉三山埒同文萬國來兢：雖色

勃歷、頗神怡軒柏屏排闥林花錦統墀不才陪啓沃多
幸接追隨利見飛龍象慙無湛露詩馬圖應再出垂拱仰
皇義

紀恩三十韻有序

歲壬午四月三日

工御宣文閣親試宮學弟子員講誦經史稱 旨賜臣伯
琦中統鈔五千貫弟子員繡衣材各一謹賦長

篇歌頌湛恩作

延閣層霄上薰風九夏初北辰環象緯東壁爛宸居仙藥
雕闌絢香蒲翠瑣虛屏翔金鷲鷲研倚玉蟾蜍怪石森峰
嶽飛鈴颯珮琚當陽咨岳牧稽古嗜詩書百揆敷言既重

惟進講餘虎門承制綵鳳闕集冠裾黃卷陳香案青衿拜
玉除唐虞彛訓闡周孔格言攄下濟天容懌淵居睿思紆
菁莪深樂育拭樸廣涵煦鴻典張黃舍龍光照表著楮緜
登上幣文綺出中儲聖德天同大奇逢古不如侍韶咸贊
慶陞戟摠誇奪開館卑瀛島崇儒陋石渠淪肌懷曠蕩撫
已媿庸疎視學瞻周禮園門聽漢臚智崇群辟 聰達回
門祛師道尊無上賢閔競樂胥垂旒端建極錫服執連茹
瑞謀團雲露禎符驗器車朝鳴阿閣鳳夕化北溟魚啟沃
資岩築訐謨起渭漁傳經後匡戴待詔劣應徐惟有呻佔
畢何由效補苴文華歸苑治業本經畬四姓魁宗籍三
雍在直廬小詩先舞抃佳氣正扶輿

三月七日 廷試進士讀卷作

九重傳漏日方中書猷賢能列至公雞舌含香頌漢署龍
顏動色坐堯宮彩翬隱々憲明電玉鳳冷々帷度風近侍
臯夔多啓沃人才不減古時隆

越三日 奏進士榜名作

太平天子策賢良 詔問天人白玉堂
校藝盡遵周典禮 策名寧數漢詞章
風鳴松蓋宵声殷 雨浥梨花雪色香
承乏幸陪諸老後 凌晨金榜出明光

是年五月扈從上京宮學紀事絕句二十首

東華西華南御天 三門相望鳳池連
煌々太乙臨寰宇 殷亳周豐未敢先

曾薨複閣接青冥 金色浮圖七宝楹
當日熙春今避暑 涼河不比漢昆明

右詠大安閣故宋汴熙春閣也遷建上京

五色雲芝宝鼎中 珠幢翠蓋舞双龍
玉衣高設皆神御 功德魏々說祖宗

全前

鏤花香案錯琳鏤 金甃蒲萄大白浮
群玉諸山環御榻 瑤池只在殿西頭

右詠洪禧殿

彤庭西壁畫燕山 絳闕金城掩靄間
爭指乘輿未往路 秋風計日遂南還

全前

睿思閣下瑣窻幽 百寶明珠絡翠裘
內署傳宣未準備 大廷盛宴先初秋

全前

玫瑰芍藥相間開 寶闌十二擁瑤臺
春風日日行天上 人

道東皇六月來

數樹青榆延閣東
雲窓霞戶綺玲瓏
上林文鹿高于馬
時引黃麝碧草中

榜題仁壽睿思東
星列鈎陳綉閣重
中使三時羞玉食
地涼不用暑衣供

頗黎瓶中白馬酒
酌以碧玉蓮花杯
帝觴餘瀝得沾旬
洪禧殿上目裴回

冰華雪翼眩西東
玉坐生寒八面風
巧思曾經備月手
通明元在五雲中

右詠水晶殿
鷓班百和作堅林
翦鳳翔龍四壁開
宝地曉張香積界
始知天子是如來

右詠香殿

帷殿重檐藻帶低
花陰柳色御階迷
璣瑜鋪地香風度
碧

鑑清冰白晝淒

延閣圖書取次陳
講帷日日集儒臣
墨池雲合天光絢
東

壁由來近北辰

右詠宣文閣

黃舍重開大殿西
牙符給事籍金閨
吾伊日課繙青簡
揮染還看寫赤牒

紫燕交飛夏日長
虎門風動撼倉琅
小侯飽詠詩書澤
共擬臯夔佐廟堂

右二首詠宮學

金銀鑄佛坐琉璃
玉樹珎筵供淨儀
殿上西僧鳴梵唄
福田億萬鞏皇基

寶花千樹影扶踈
曲檻回垣碧草腴
內豎飯牛開北苑
玉

既日七進醍醐

天開八駿絡金羈仙仗排空立赤墀中有日碑勤翦剔書
開翠幃障炎曦

北闕岩堯號穆清北山迢遞繞金城四時物色圖丹雘翠
輦時臨喜太平

上幸西內望北方諸陵酌新馬酒晏典也樞密知院奉
旨課駒以教上因賦七言

皇輿吉日如西內馬酒新羞白玉漿遙酌諸陵申典禮聞近
侍宴明光鼓車未數漢千里廐牧寧推唐八坊天騎常隨龍上
下明朝樞密課駒忙

周翰林近光集卷第一

周翰林近光集卷第二

鄱陽周伯琦伯溫甫

賦得灤河送蘇伯備參政赴任湖廣

清深悠々北斗北千折縈環護邦國直疑銀漢天上來搖
漾蓬萊雲五色蛟龍變化深莫測金蓮滿川淨如拭
奎輿歲々兩度臨雨露同流草蕃殖長亭短亭來往人朝
夕照影何嘗息相君親授臨軒教紫駟嚼嚙黃金勒却送
江漢望龍岡三疊晴虹勞夢憶

水晶殿進講周易二首

琪樹菲々綠霧浮貂蟬濟々講筵優影搖蠹簡三千字光
動龍章十二旒瑣闥洞門天不夜珠簾澄徹氣長秋寶箴

擬獻狂心切冰柱何庸險語鏤

玉瓦璇題竦闈風牙籤錦標徹宸聰天臨寶鑑虛空上人
在冰壺皎潔中列聖皇明齊日月百年文物爛雲虹抱經
莫訝儒冠冷映雪誰能禁籍通

古墨篇壽韓大雅叅議七月十九日

蒼松千歲姿震根伏琥珀吐氣結晴雲化作古玄璧清芬
媿芝蘭堅質并金石上進蓬萊宮遂冠龍賓伯磨研發春
英燦爛翻瓊液密傳邠魯心仰馮羲周畫風雷興禮樂日
星耀方策豈惟儒者功實係斯文脈君子坐廟堂群生賴
茲澤良辰持此壽播譽永無數

水晶殿進講魯論作

聖皇曉御水晶宮香繞龍衣瑞氣融章句敢言禪海岳動
華蕩與天崇

冷。翠瑣度微風湛。瓊漿注頰紅終日玉皇香案側不
知身在五雲中

天馬行應制作有序

至正二年歲壬午七月十有八日西域拂郎國
遣使獻馬一匹高八尺三寸脩如其數而加半
色漆黑後二號白曲項昂有神俊超逸視它西
域馬可稱者皆在髑下金轡重勒馭者其國人
黃鬚碧眼服二色窄衣言語不可通以意諭之
凡七度海洋始達中國是日天朗氣清相臣

奏進

上御慈仁殿臨觀稱歎遂命育于天閑飼以肉粟
酒漣仍勅翰林學士承旨臣夔令工畫者
圖之而直學士臣揭傒斯贊之蓋自有國以來
未嘗見也殆古所謂天馬者邪承詔賦詩題所
畫圖臣伯琦謹獻詩曰

飛龍在天今十祀重譯來庭無遠迹川珍岳貢皆貞符神
駒躍出西注水拂即叢尔不敢留使行四載數萬里
乘輿清暑滌河宮宰臣奏進閭闔裏昂八尺阜且偉
首揚渴烏竹批耳双蹏縣雪墨漬毛䟽駿擁霧風生尾朱
英翠組金盤陀方童夾鏡神光紫聳身直欲凌雲霄盤辟

丹墀却開額黃頰圍人服危詭鞞鞞如縈相諾唯群臣俯
伏呼萬歲初秋曉霽風日美九重洞啟臨軒觀袞衣晃耀
天顏喜畫師寫微妙奪神拜進御床深稱旨幸未相
向宛轉同一入天閑誰敢齒我朝幅員古無比朔方鐵騎
紛如螳山無氛被海無波有固百年今見此崑崙八駿遊
心侈茂陵大宛黷兵紀聖皇不却亦不求垂拱無為靖邊
鄙遠人慕化致壤奠地角已如天咫尺神州首借西風肥
收歛驕雄聽驅使屬車歲幸西京八塞承
御壯瞻視騶虞麟趾並樂歌越雉旅葵盡風靡迺知感台
由真龍房星孕秀非偶尔黃金不用築高臺髦俊聞風一
時起願見斯世皞如羲皇按圖畫卦復茲始

賦得鳳皇臺送馮公勵叅政之任浙省

丹鳳何年去崇臺對碧江奇毛雲影麗遺韻浪声涼竹粲
琅玕實桐垂翡翠幢峭峰晴旭抱絕岫暮潮撞覽德時難
再未傷瑞必双升高叢勝槩詢旧到耆厖吳楚形無際塵
闌語半唵岡鳴應詠名雖伏定推厖邈矣千年蹟如聞九
舞腔登臨瞻北斗歌頌藹南邦

雪巢詩為趙允北左司賦 京地人

巢居何所有積雪照昊穹玉井撫太華陰居瞰九嶷戶牖
皆天成鷲鶴相追從調息室生白吐辭夜紆虹凝沍雖有
時冰玉儲心勾坎象原氣和乾德函年豐二實默循環生
生妙無窮梁園吟文藻西領泥宋空孰如一枝安中有澤

物功慙哉清若志宛矣前賢風

歲癸未正月廿八日由授經郎陞除宣文閣鑒書

博士作

千官鵠立紫宸居丞相傳宣出玉除授業庠門倚下考陞
班鳳閣侍中書瓊林奉統唐瀛島緗帙星羅漢石渠拜服
恩袍慚不稱願回筆諫罄愚疏

越三日謝恩于咸寧殿入直即事

九重仙殿擁春雲穆天威莅大華蓋風鳴蒼水佩宝
屏霧藹博山熏抱經重得承龍袞直閣惟知理蠹芸俯倭
循墻歌聖德百年礼樂際同文

二月十九日承 詔復兼經筵官是日進講

咸寧殿面賜卮酒作

隨班曉侍太微垣講席綸音忝特恩兼縮白麻垂澤渥一
卮雲液溥春溫緝熙共仰叅亭毒啟沃長思固本根道統
有傳民極建魏文德照乾坤

同日承 詔鑒品題識閣中書畫作

五色雲中白玉堂牙籤犀軸絢天光古今績象丹青妙賢
聖傳心翰墨香游藝無為研閫奧列名第品魏兼荒宣文
閣奎明皇日羲畫箕疇並久長

宣文下直四絕句

閨苑春深花半開冷金水瀉瑤臺非雲非霧天街繞群
玉山頭駕鳳迴

亭：翠柏倚朱闌雲母窻扉逼暮寒玉德殿前紅杏樹教

花猶作去年看

黃金鸞驚碧流離華闕晴開翠鳳旗宿雨清塵催淋景千

門楊柳綠絲

千花張錦草飛香冠佩趨朝進早湯延閣風微清蹕近中

天金驛吐光芒

夜坐偶成

清夜爇城玉漏遲杏花踈影散書帷紅塵不到揚雄宅石
鼎焚香讀楚辭

三月廿二日侍從

聖上汎舟玉泉西山護國寺行香作二首

西郊柳綠曉風和
岩谷鶯花散綺羅
雙鳳引簫來闋苑
六龍捧擢汎銀河
祠宮星列天香藹
閣道雲深禁蹕過
九奏虞韶喜瑞集
明朝齊唱上回歌
翠華遊豫暮春天
花滿長隄草滿川
漁艇凌波遥擲網
農屨趁候競犁田
皇情嘉共民心樂
御氣能增物色妍
析木津頭多雨露
送今四海屢豐年

七月六日上京慈仁殿進講紀事

紫宸肅講帷開冠佩如雲接上台
聖德乾坤同覆載陳言海岱益涓埃
涼風拂戶鳴金鑰細雨侵簾潤宝臺
拜賜霞觴春泆髓嚮尊願見被埏垓

題海棠鸚鵡圖

阿環睡起霽銷輕淡抹朱鉛
襯宿醒誰遣綠衣來伴語
一春心事在清明

還途居庸關中即事

飛泉噴雪濕征袍
陟降驅馳不任勞
石齧馬蹄山路澁
風搏雕影午天高
農塲納稼收成早
僧舍懸厓構締牢
天府輿圖稱第一
金湯更用數函褒

立秋日書事五首

今日新秋節年客上京
菊花方開豔蒲柳已無情
空舍餅儲粟粢蔬釜瀹羹
清貧儒者分歲月任崢嶸

大駕西內茲長祀典揚
龍衣遵盾撲馬酒薦馨
香四王祭園林邈迤崇
廟祐光艱難思創業萬
葉祚無疆

國朝歲以七月七日

或九日天子與后素服望祭北方陵园奠馬酒執事者皆世臣子弟是日捧日南行

鐵刺標山影金鋪耀日華龍迴秋歌雨燕落畫翻沙苑御

調駢騎宮官葺幃車長楊誰共賦滿耳涕寒笳上京西山封鐵播竿高

數十丈以其下海中有龍用梵家說作此鎮之

涼亭千里內相望列東西秋彌聲容備時巡典禮稽鵠鳧

隨矢落獬鹿應弦迷乾豆歸時薦康莊頌耄倪上京之東五

亭西百五十里有西涼亭其地皆饒水草有禽魚山數置離言巡守至此歲必獵較焉

雲薄天澄霽風靖晝益涼素商將奮振繁卉畏凋傷夢入

漁樵社身慙鷓鴣驚行歸裝知有日南國稻梁香

季長弟由國子生除侍儀舍人喜賦二首

成均高選典宸儀便佩金魚服紫衣舍人掌禮借紫衣金帶自昔朝廷

崇禮樂浸今門戶益光輝肅班臚唱嚴丹陛列侍官聯接

紫微坐想慈闈占鵲喜遙瞻原上脊令飛

先德深培似大椿拂雲枝葉執輪囷襲封卿國湖山重聯

取清華雨露新書硯再傳垂百世箕裘一髮繫千鈞鳳池

春近恩波濶直泛星槎上漢津是歲先公贈官追封鄱陽縣子與先祖封爵同故有襲封之句

用前韻送季長南歸

新命天朝作羽儀暫還慈侍戲班衣一卮春酒長生壽三

錫恩綸七族輝遠樹雲開山隱隱小橋風歇草微微經惟

未遂陳情願夢裏尊鱸欲奮飛

梅花吐白冰團椿路近江南尚小春乍別又踈文字樂相

思頓覓髮毛新高堂甘旨謀歸計平日行藏任化鈞壯志

莫辭未往逐潞河上派貫天津

郊祀慶成紀事三十韻

聖皇嚴祀本盛典謹升烟練吉三冬首凝衷半載前治儀
遵簡質夏食致清蠲王路依辰出帷宮宿次遷六龍扶日
御八駿轉星躔周陞觚符偶穹丘象侔圜反初共鑒鑿視
滌庀牲牲碧漢銀河麗清宵璧月妍大裘華袞襲端冕璫
旒延濟々簪纓從將々佩綬聯虎賁環衛復駒首薦壇先
橐鞬重蒲越陶匏閒豆籩崇牙鍾在虞列壘案張旆高燎
馨香徹全烝侑物虔即圭明縹藉雅奏動宮縣爵獻氣先
潼尊澄酒尚玄英笙歌泯々干羽舞蹀々六變靈歆矣三
登禮爾然升中誠意格昭配孝思宣祝嘏恭承俎神釐啟

自天祥光通夕燭熙事告晨竣漢時甲巫俗周官最史編
天移金闕近雲擁翠華旋筦簫晴雷殷旂帛采鳳騫子官
班拱北侏姓頌尊乾歛福敷同宇流恩蕩八埏明堂朝正
盛宝鼎笑方縣天保贖新雅思文詠舊篇霽祇訶社稷符
瑞效山川景命齊天運垂休億萬年

賦得蓮花漏送宗正丞尔直班公惟中赴淮東監
憲任

漏壺皆古制此制獨精奇昔自遠公勅今傳燕氏規範金
甯有量刻木箭相宜翠蓋旁承注芳心遍吐移潛機分晝
夜浮刻定干支頗憶仙人掌還疑太華池警更嚴國典嘯
旦肅官儀淮甸譙樓麗韓銘款識垂綉衣朝發令編戶業

趨時祇思微書趣聽籌覲玉墀

除夕偶成

十載清以客帝都濕烟破竈咲踈迂一寒范井惟袍緼四
壁相如酒少壚雪滿虛檐双柏秀冰堅遠海萬林枯春風
已到屠蘇畔明日克尊徧九衢

隨緣合蜡各年除桃板新書兩上符久直承明思保障敢
塵即府列依烏盤柑遂有鄰人送尊酒還將祿米沽白髮
慈親應遠念庭前諸弟綵衣娛

歲甲申三月陪平章康里公子山展墓作

東風拂面又清明共指西山曉出城楊柳數村烟外過杏
花十里雪中行鳳毛世表賢臣瑞馬踏人傳故相瑩展羅

歸涂無限思一尊松下重班荆

送平章康里公子山之官浙省三首

宸心簡注久金甌分陝東南第一州夙望遂諧多士願先
声已解遠人憂百年版籍承平久故國城池景物出周翰
暫紆申甫步虞廷終待益皋謀

講帷啟沃寸心丹赤舄居東鼻吸酸家學于今揚世美廟
堂自昔歎才難湖山時雨沾封內錦綉春風散筆端知己
三生惟晉国大書勲業可慙韓

中庭玉切戲斑衣紅藥階前對紫微鐵石廣平新賦就風
流太傅一枰圍六經談論回天地平日情懷在布常環召
固知前席近高名留共浙山巍

閏二月八日入直宣文閣

上命陳閣中前代禮器賜問制作之由具對稱

紀事二首

桃花開遍杏花開星伏侵晨幸閣來雲繞香猊騰藻井春
隨天步上瑤臺

堯日當中照小臣尊彝圭璧席前陳詔稽制度論三代却
咲當年問鬼神

興聖殿進講即事是日賜酒飲杏花下

穆：西清講幄重黃封賜飲杏花中晴開步障衣籠錦香
沁流霞頰暈紅千載奇逢酬聖澤一時凡骨盡仙風相看
天上無它願典物為春四海同

西內進講即事

牡丹芭栗藥抽荷曲檻飛香綠漸多宿雨初收西掖靜青
陽共奏漢廷歌
遊蜂趁暖雀相呼青杏縣珠碧草腴天上春光濃似酒未
禽華底倒宮壺

東便殿進講賜酒時牡丹盛開作

暖雲飛雨曉濛濛高下宮粧掩映中已染異香朝北極更
依芳影立東風
天顏每為講經怡錦綉叢中酒一卮因咲沉香亭畔客清
狂只解賦新詞

西內芍藥

芳心有待却含羞獨殿群芳弄媚柔不是紅雲連閨苑定
應絳雪似崑丘
赭袍重擁翠雲裘尚有春風數日留天女移來天上種
今更不數揚州

秋夜對月聞玉簪花香

虛館金猊歇晚薰碧紗如水透幽芬素娥後步多羞澁微
露搔頭擁翠雲

送拔實彥卿尚書監憲浙東

浙東使相舊天官綉斧風霜白晝寒山聳金華蟠野岸星
明室婺射秋湍江頭攬轡夫容艷洞口題詩柿葉丹指日
澄清歌載路班衣趨台振臺端

河東憲司撤聘考試貢士過井陘閼二首

井陘如隧道平地立嶺屹斗壁千尋峻羊腸百折盤泥深
厓石滑雨急野河湍猶有淮陰迹荒祠古樹寒
晉趙分形勝危閼獨聳然緣坡頻入谷越嶺復登天土沃
惟宜菜民勤盡力田居庸當北望縣亘共山川

河東試院即事三首

虛堂靜院晝垂簾朱墨分曹憲令嚴兵衛重行皆兩立文
場何處衆星占堂無威鳳翔窠廓定有神蛟起蟄潛自古
河汾多文又會看異業佐軒炎

老槐儼立柳穹蒼庭戶森然白晝長地繞汾流常沮洳山
連松漢半微茫西河舊是詩書里曲沃今為農圃場蟋蟀

在堂秋欲吳絕憐儉俗尚陶唐
井陘西抵石并州千里迢迢亦壯遊
出將承平忘習氣求賢尺一青
林丘披沙思見河東賦佩印空慙
季子裘文物低昂占世運誰能借
箸為前籌

太原道中即事

表裏山河號盛強
太平民力盡耕桑
原田高下魚鱗比
村舍橫斜鳥翼張
稚子負薪依曲迳
老翁牧犢臥前岡
恍然風物皆吳楚
只欠茅廬對夕陽

過太行山

太行蒼翠插秋旻
疊嶺重關自昔聞
戰國東西分晉趙
中原南北帶河汾
帝王都邑青
草豪傑勲名點
墳鳥道

盤空頻立馬便從高處望飛雲

次韻趙子期侍郎延春晚直作

天門金榜日華東
百辟趨朝仰六龍
玉食前羞常反肝
功裘列獻又迎冬
雲生螭陛凝朱草
露綴鸞旂滴翠松
直閣儒臣今授契
丹心炯
皂囊封

送叅議王君實之任燕南憲使

儒冠平步上青雲
壯歲遭逢世罕聞
三輔共迎新刺史
六書元教右將軍
滹河雨後沙無際
恒嶽霜前草自薰
日報平反怡
母廟堂虛席
佇奇勲

題大別山禹柏圖

大別山前古柏樹
神禹當年手自栽
精靈上天宰
冥漠根

莫得地形崔嵬蛟龍作枝辰角化金石為骨元氣胚誰其
配之魯庭檜空中雲霧時往來

咸乙酉元旦早朝大明宮

玉帛朝元萬國同
袞旒南面對春風
花明殿榻寔含霧香
汎壺籌渚繞虹九
奏雲門黃帝樂
半空華蓋太微宮
青規播物金襍
屯長戴堯天頌
婁豐御榻前列紅白山茶梅花
迎春小桃十餘盆又殿上
縣香漏狀如毬
燈中奕香篆旋繞
以應十
二時制甚精
下置銀盆温湯浴
綠毛龜

仲春入直四首

春雲淡：雨霏：翠柏蒼松十里圍
曉漏催朝魚鑰啟時
看黃鳥隔簾飛
草芽未綠柳光黃
曲檻重門輦路長
冰雪初消流禁籞
羊

溝又見水湯：

溶：太液漲新波
鸛鷖點嫩莎
百尺飛虹通步輦
東

西別館得春多

廣寒宮闕插青冥
一帶西山簇畫屏
霽雪光風融上苑
滿城春意護龍庭

寄呂仲實侍御

冠山主者綉衣君
里塾弦歌到處聞
石室舊編應入夢
草堂新構更移文
橋頭柳絮飄流水
谷口榆錢綴白雲
千里相望春一暮
坐懷書帶有清芬

五月八日上京慈仁宮進講記事

黼宸臨西內
文臣侍大廷
曙光團露瓦
暑氣散風標
香案

陳群玉彤帷對六經精微恭奏御淵默靜垂聽共際天顏
懌目承聖德馨瓊漿能洗髓霞醞可延齡矍偉俸深淪泱丹
心欲鏤金錦鋪川草碧龍繞甸山青芍藥搖樊檻扮榆護
迓軒省方虞典禮講學漢宮庭道統齊天地彛倫炳日星
八荒暨声教萬國永儀刑

六月七日慈仁宮進講

清都虎豹肅重閤文石晨趨講席班傍闕雲容開寶曆隔
簾山影擁青鬟芳編細帙分章進玉笋金壘特詔頒聖學
有傳光大業前皇在侍舞爛斑

七月七日同宋顯夫學士暨徑筵僚屬游上京西山紀事二首

聯岡疊阜衛神都萬幕平沙八陳圖朝市星垣周社稷宗
藩盤石漢規摹官隄亘野豐青草禁籞深林暗碧榆地闢
天開到今日九重垂拱制寰區
盤上絕頂撫崢嶸目盡天涯一掌平海氣騰空搖鐵刹山
風卷霧淨金城鞞鷹秋健諸酋帳死馬宵肥士校營相顧
依然情未已携壺明日約同傾

明日慈仁宮進講畢欽承特命改授崇文監丞
兼檢校書籍事是日同僚邀復遊西山舉酒為壽
賦二首簡謝雅意

沙明潦淨結縈迴僧舍埋雲石點苔山影四圍青欲合草
花五色錦成堆起瞻北閣天光近坐醉西風野興催好是

清歡醇似酒更須海上訪蓬萊
故人意氣厚難忘况在皇州深
水陽管鮑于今無一二
舉愛自昔比尋常馮高喜
隔塵囂遠拂坐時聞草樹香
便指南山同獻壽直傾北斗累千觴

越四日供職拜覲

慈仁宮謝恩作

碧樹風微紫殿清
衣冠謁立侍前楹
遺經畢講陳愚慙
特命中頒拜寵榮
久汚清華多士駭
獨憐駕怯聖君明
同文昌運齊天壽
擔益涓埃罄此生

次韻宋顯夫學士馬上偶成

西望高榆夾岸垂
行人六月暑絲衣
苑沙飽雨晴含濕
露

草迎陽曉散暉
華闕中天當北極
穹廬千帳列重圍
玉堂仙伯消長日
佳句盈囊髮漸稀

題米元章畫青山白雲

南宮神邁將軍李
寫丹青如潑墨水
川雲江樹拍顧間
只尺吳山數千里
小樓接棟山之陽
孤舟檝擢渡者將
桃源有路堪結隱
欲排火粒覩圜方

七月廿日欽承 特命以崇文丞兼 經筵叅贊

官進講慈仁宮謝恩作

五雲深處碧簾櫳
面錫綸音簡帝衷
兩被特恩旬浹內
三登講席五年中
光風蕩乾坤大寸
草依犬馬忠既醉
流霞春泮髓卷阿
拭日鳳棲桐

越三日恩賜衣幣紀恩作

香羅疊膩織春雲色幣含光涌浪文扈從清華皆近侍講
筵榮寵異前聞恩頒在筭隆嘏味學之明經守典墳服拜
深慚濡翼刺垂衣共仰紀華勛

寓舍紫菊

未時閏北草初勻去日溧陽白露新窻下紫蕤顏色好
猶延清興款詩人

十月廿八日巳酉臺臣傳 百拜廣東僉憲賜四

品服入覲謝恩作

侍經妻得被恩綸特命乘輅糾外臣敢用六條明漢典要
令百粵沐堯仁綉衣春藹萱花茂金帶光浮荔子新聖德

如天何以報願持寸念答嚴宸

皇華遣使見成周直指巡行漢禮優豈意非才登此選共
知淵慮徧南州嚴鄉公論應多忝烏鳥私情得少酬萬里
舉頭天只尺能忘珥筆侍前旒

受除南行有日作

朝聽勅目夕治裝眼底班衣拜北堂便養頗行
皇上念叨榮亦列憲臣行深秋鴈影湖邊月初臘梅花嶺
上霜平日壑鹽今日試羊城回首是明光

題雲州老人劉壽雲詩卷

雲州：在高山間萬騎年々未往喧獨向白雲深處住不知人
世有高車

東阡種粟西畦菜鑿石得泉如蜜甜土酥瀹羹可供客饒膝孫
曾挽白顛

題述律存道元帥招安雲南徼里因部詩卷

文武全材信丈夫奇哉述律榮勳殊銅標界海光東漢丹服浮
江格有虞日月照臨螻螻穴丹青點染犬羊圖還朝自草平南
表刻石燕然得比無

八月廿四日起行驛至通州作

聖恩優異許陳情苑駟南揚使者旌薄技豈堪陪侍送乏才因
得直承明親庭遙憶經年別官驛初行第一程禮樂光華今日
盛長看海晏典河清

周翰林近光集卷第二

周翰林近光集卷第三

鄱陽周伯琦伯溫甫

歲戊子五月將赴閩憲徵擢翰林待制兼國史院
編脩官九月驛至京師送季長弟之任山南宣慰

照磨二首

間歲淮南送北征今泛燕北餞南行三年一會難為別萬
里相思可奈情候館霜晴荒草白官河風盡片帆輕高堂
延竚班衣切安得聯翩奉壽觥

荆南巨鎮雄全楚控帶中原自古然江漢東流橫宇宙岷
峨西望接雲烟城環鶴澤流風在臺聳龍山盛事傳已侍
朝儀明文典要陳幕議繼前賢

送馮公勵大學士致政歸太原

中外揚名五十年安車一旦賦歸田德星移次天光近老
圃宜秋晚節全濔渡久堅橋路穩并陞雪霽驛程便午莊
未許裴公隱淇澳重誇衛武賢

送拔實彥卿學士之任燕南憲使得雲字

風紀端治本宵旰期憂分旬歲嚴首選部封懾光聞桓
梁棟具燁々黼黻之全才古云難顯用今所欣玩弛日已
甚擲蕩得辭勤泚邪自涇渭雅俗何猶薰鳳鴛一瑞世鷗
鷗不能群濔沲無羈波恒嶽常豐雲春風吹玉節馳馬鑣
朱幘倉庚集喬木草色迷川垠私懷惜暫別衆願樹奇勲
廟堂久虛席泚筆揚清芬

清明日同翰林遠至道待制顏元卿經歷危太樸
應奉鈿鳴謙編修游長春宮

休沐同真賞清明雪霽餘都城瞻壯麗仙閣挹高虛亭館
烟霞合園林錦綉舒枕源歸路穩爛醉任狂踈

送待制余廷心僉憲浙東三首

春雲陰似幕春雨細于絲史館承恩日都門祖道時星軺
行浙左采服照江湄忠孝應魚盡同深別後思
細書功未竟持節命方隆已擅雄文譽還揚肅政風揚花
飛雪白勺藥舞雲紅咨度多餘力新詩寄便鴻
天台環海岸鴈蕩插雲霄勝槩東南絕才人玉雪標訪遊
清暇足題詠逸懷超旅食京華客曰君意也消

歲己丑 天壽節拜賜 御酒作

前歲堯尊被海隅今年親拜帝觴餘已將雨露蘇封部復
立雲霄直禁廬此日河清占混一萬方春育圃吹噓長歌
既醉微生幸金鑑貞符更並書

送經歷伯顏忽都元卿僉憲河南

去年同赴金臺台今日瞻君綉斧行治最吳公留舊愛名
優朱博懾先声梁園柳暗靈臺宗汲水荷香列館清攬轡
長途多逆興幸將秀句寄遐情

五月八日陞除崇文少監兼經筵官拜覲

行殿二首

詔移闈節入綉書凡例森嚴媿學踈執簡七旬陳薄伎循

墻三命拜新除南薰歌獨無為治東壁光搖太乙居身際
承平恩遇渥敢將經術贊華胥

內閣重叨侍從班侵晨幄殿覲天顏係綸垂問憐疏遠標
標無遺激鈍頑華蓋雲容籠閣道居庸御氣繞燕山都俞
不減唐虞盛輿頌中和沸九閩

夏日閣中入直五首

金鋪躡獸鑰街魚碧樹沉，白玉除扉後命嚴番直肅五
雲深處掌圖書

欠盤堆果進流霞中秘繡餘夕景斜畫舫遙泛園殿過鳳
麟洲上數荷花

東西二閣赤霄間百尺金莖萬歲山一道銀河天上出遙

分光潤散人寰

絳綃盛日石榴明層柏高榆翠幄清延宇如天忘伏暑彩禽時作鳳皇鳴

流觴小殿曲闌紫波影簾櫳浸繡楹靜晝敲茶中貴語君王避暑在開平

示兒宗仁還江右

鄱陽辭別一年多京國來逢柰喜何王事期程難久駐宦涂鬢髮已先皤祖宗門戶嘗難苦家世詩書在琢磨言行樞機當慎密倚門送汝更無它

寄季長弟山南

喜聞令弟宦荆襄閩幙優游日正長澤國波寒蘭芷秀渚

宮風細芰荷香唐虞治世難遭際羊杜高名要踵芳而後石渠慚嬾拙脊令原上重相望

立秋雨中

新秋雨未解似散伏暑毒霏微過前林浙瀝鳴幽屋枸杞珠纓明双柏翠幢改推憲喜晝涼展卷理舊讀不才逢休運文苑忝豐祿報效慙荒疏奉持慎微獨古道雖荆榛人心烟明燭唐虞豈難致稷契宜自勗側聞草囊進屢見新勅日折檻久不聞焚裘矯庸俗君子欣同心芝蘭共芬馥孔融常不寐杞國憂頗盛寒暑有代謝日月有盈縮何以陶我懷尊中湛醪醑

現杜德常尚書所藏王晉卿畫春山霽景

光風蕩野晴旭柔翠屏螺綠爛不收纖黃嬌綠迷遠近翩
翩好鳥如相求屋歌谷轉一逢幽石梁斜枕清谿流輕裘
緩帶何處客垂鞭安嚮情悠々尋花問柳不計路恍然身
世同浮漚頗疑青蓮夢天姥白鹿騰空蹴玄圃又疑華陽
惆甸曲清泉碧石行處足熙寧駙馬思超軼前身定是唐
宗室豪端萬象窮微芒解衣槃薄非一日尚書知畫猶知
人三銓品第才必真每憐散客獨青眼虛齋挂壁同娛神
君不見謝家太傅心丘壑九遠軒冕秋雲薄造裝東還竟
後時至今猿鶴俱寂寞鄴中林慮挿天外左轄堆文光
燄倍角中甲第良有待好對此山看此畫
謝時左丞許公可用
初秋同賈子貞監丞過內苑四首

五色雲中聳翠巖千岩琪樹洞門寒金銀宮闕青冥上
白晝還疑長羽翰

層甍星拱執翬飛乾象監々百室圍黼宸中臨同北極坐
齋七政運璿璣
碧漪清淺繞蓬壺翠蓋紅衣戲彩鳧十頃頗黎香滿路女
牛渡口料應無
苔散青趺石虎蹲搏素若木擁端門綠楊影裏晴虹臥悅
似靈槎沂古源

仲秋休沐日同崇文僚佐汎舟遊西山即事二首
西郊爽氣薄西山山下平湖水接天十里香風荷蓋浪一
州霽景柳絲烟玉虹遙亘星河上翠閣双懸日月前壯觀

神州今第一勝遊何啻假飛仙

藕花深處汎樓船八面亭臺綺綉連晴鷺乳蒲迷弱纜寒
蟬落葉和絲弦蟹螯入手殺烝最運實登筵果品先共倒
碧筒寧惜醉明時多幸侍甘泉

至正歲己丑仲冬 興聖西殿進講禹謨

踈直承明已四年殊恩重侍五雲邊敢持索筆依嚴陛喜
進詩書徹 御筵雲濕龍樓延愛景春生麟蜀園祥烟陳
編何補唐虞治比屋風清沸誦弦

送鄒魯望赴北流令

徑筵冠佩盡名流鄒子明經衆所優出宰遐方非小絀榮
親晚節更何求雲明五嶺千重驛風送三江一葉舟銅柱

功名皆分內榕陰深處是容州

送應奉林希元赴上虞令二首

詞臣出宰選恩優不負初年萬里遊冰雪春消河水長山
川南去驛程脩近鄉不日臨花縣好事何人贈麥舟身教
坐看民德厚雉馴甬度徹宸旒

先子登瀛記昔年京城解后各欣然每思推轂嗟前夢頗
喜同僚續舊緣野岸晴莎穿去鷁江亭雲樹急啼鷓曹娥
祠在無人問為拓殘碑寄日邊

至正庚寅孟春 代祀北岳等神簡同使劉學士

明仁殿上承香出有事山川萬里行當宁致恭申望秩
代祠薦祝格神明中原形勝州城古正月風光驛路晴宣

室婦釐堪計日聯鑣來往話平生

姜里

消息盈虛久已知二分天下肩輕為偶因豕易傳心學千古清祠表永思

比干墓

殺身非為欲成仁忍見殷宗入鎬邠黼哱裸將憐大雅墓田華表媿諛臣

山陽漢獻帝冢

山陽小邑漢遺城馬鬣荒蕪漢獻堂閏位餘分歸典午鄴瞞空受不臣名

過懷慶

即懷孟也至大末改今名

千頃膏腴壤群峰紫翠嵐人言大河北此是小江南林竹深亭館岩泉響澗潭客衣塵土滿晚路屢停驂

掘金仍表地尖茅尚名坊孝烈神明感綱常日月光閭閻

安俗櫟城郭樂時康書熟尊先輩河汾未易忘其里有

金之所表曰天賜字子黃金之地又刺客聶政所居名曰烈士坊

濟瀆祠田題三首

覃懷西上滌清源疊嶂長岡繚翠垣膏沃連阡環樂土淵冷一勺瀉高原盧仝井在寒蕪合裴相亭空古樹絲聞說天壇多異跡晝鳴笙磬夜啼猿

邃廊峻殿奉祠崇神物蜿蜒貝闕中井澍知時千里潤祥雲冪曉百靈通林森叢竹黃無綠花發辛夷白間紅石徑

蕭條盤谷近欲追隱跡恨匆

先公受詔沉龍簡刻石庭中四十年攀抱烏號俱已矣瞻

摩手澤尚依然明禋世使承榮遇勝槩重盟締宿緣千載

山川人物在續書嘉應亦華顛至大辛亥先君即

詔代祀沉金龍玉簡時天早有雷雨之應刻石記其事

並列

庭中

孟州 河陽城下雨初收馬上逢春得自由直上北印望吳越料

應寒食到蘇州

渡黃河作

中土多形勝山川獨厚深太行橫地脊河水貫天心春雨

田疇墳時雲野路陰客懷增浩蕩緩轡當幽尋

鞏縣古教倉也

紅陳百萬積教倉表裏山河號富强海漕于今歸上國蕭

然小縣類山莊

北印望洛中作

北印障黃河隆然更迤逦曲如屏千疊遠若城萬雉河水

崐崙來奔猛沸鐵騎靡然循其隈豈敢妄嚙噬嵩高倚天

外猴嶺茸雲際虎牢相鉤連要束犬牙制温洛蕩其膺造

化清泚萃居然天地中大哉此形執危級困登躋僕痛馬

欲斃曾顛亘平陸業粟富樹藝小屋間荒冢纍、不可計

我來二月初一雨淨埃曠壯觀愜夙聞四表得遥睇奠鼎

考龜食金湯遺來世智識或霄壤捐大掇其細裴回千載
思下山復小榻

宋陵

杏花堆白菜花黃蔓草平沙四野荒洛水無声山日暮石
麟兩守空岡
奉先橋畔政和碑種麥人家護棘籬絕勝望朝亭下路浮

圖積雪浙江湄
隔岸青山拱墓門鷓啼狐舞欲消魂鄰人時見長蛇護千

載山靈念舊恩

虎牢關

黃河南岸虎牢關百尺天梯跬步艱楚漢雌雄如反掌舊

聞歷、鬃毛班

鴻溝

鴻溝一綫界滎陽京索相望古戰場水德久歸三尺劔子
房未必解興王

汴中

城外官隄百里長嚴城萬雉固金湯昔時殿闕今藩省塔
影依然對上方

金明四面漾清漪舞榭游亭尚有基野蝶閒鷗風日媚百
年禾黍自離

湖石峻嶒執拂空鞭痕未沒九州窮如今散作人間玩珠
封瑤華一夢中

徐州

杏花村裏喜新晴
叢竹疎籬野雀鳴
三岸黃河山似戟
不知官路到彭城

寶應湖

寶應湖接高郵
双城湖上起湖水
四面流昔時双城號
銅鐵今日承平盡
隳撤銅鐵不可保
天地同長久
國家德澤長如水
貫穿九州萬人喜
直沽穩運蘇州糧
京師飽喫高郵米

渡揚子江泊京口

長江天塹控南州
吳楚相望民物稠
萬里風濤趨大海
兩山巖壑障中流
魚龍噴薄瓜州渡
燕雀喧呼多景樓
舊

更須誇鐵甕清時
久不識堦登

二月廿六日到會稽

七十長亭到會稽
危峰峭壁與雲齊
麥畦飽雨農家急
松壑回風野路迷
禹穴神龍千載鎮
越臺山鳥暮春啼
客衣塵土翛然淨
更欲垂流訪剡谿

明日代祠南鎮題飛流亭

會稽山水名天下
南際滄溟北枕江
碧嶂千重盤洞府
鑑湖一曲帶藩邦
漢唐疆域今無外
王謝風流世少雙
萬里歲祠竣使事
飛流亭上聽淙淙

游山陰蘭亭

承命祠越鎮已使窮
勝槩積雨欣澄霽
平湖遂紆邁風林

襟石泉雲山從高岱虛亭敞舊址曲水瀄輕瀨紫旌粲荆
枝絲陰翳梅檜守佐多時英賓朋間方外秩筵尚真率流
觴劇娛愛雖非俯袂遊適與暮春會晉賢邈霄漢芳躅懷
風裁感慨憐昔屯優游幸今泰返擢首屢回渴心塵欲溉
一曲倘從請嘉興或期再

還至錢唐浙省開宴湖山堂汎湖而歸紀事三十
韻簡道向平章諸公

高堂入佳境四坐來竒現隱鑑開巨湖螺髻環群岵茭蒲
翠光衍桃杏香風團樓臺森步障櫓帆錯飛翰相國秉周
禮張宴欲罄歡款言勞行李遠自青雲端瓊漿湛百壺瓊
羅千盤楚腰翻紫燕越城唳素鷺笙簫

紛彈乳以大國歌雄渾天宇寬鶯雀啁簷櫓魚龍振波瀾
意深醉不辭儀具樂已殫至賦皇華詩諷度道里難賓奉
甘棠詠南國磐石安旅酬日將夕俎徹興未闌移庖窮賞
眺畫舫漬瀰漫碧隄長綬紫玉梁霽虹蟠川霞歛餘景郊
樹生空寒杳眇穿行雲低徊拂蕩湍歸途各充然別轡頻
相看盛世不易逢迅晷如跳丸况承輟鈞樞竟日偕盤桓
稱觴企闕廷秩筵肅衣冠于蕃倚柱石同氣凝芝蘭飲醇
守規摸携妓躋嶺岼由来和不流乃見勲業完庸姿抱方
策夙志甘瓢簞十年塵禁後一朝攝祠官曠遇索荷紫勵
報心輸丹快情念所素矢歌願無刊

杭守寶惟賢邀遊水樂洞

輕舸平湖訪遠岑，茂林脩竹路沉沉。石巖古屋諸天相，海眼飛泉九奏音。晴雨晝涼酣列坐，夕陽山影款同襟。清歡竟日多貧守，勝會何時約重尋。

題孤山林和靖亭

孤山湖水上，猶有隱君亭。野鶴宵啼聲，宗叢梅夏葉。青薄雲籠几，杖微雨淨軒。標坡老扁舟，與高風作港名。山下有學士港東坡

蘇公守抗時日夜訪和靖艤舟之所也故

遊金山寺

江心一簇翠夫容，金碧晶瑩殿閣重。隱士有緣來化鶴，梵王無語坐降龍。鐘聲兩岸占昏曉，海眼中冷湛夏冬。八十高僧供茗罷，細談蘇米舊時蹤。

遊焦山寺

涉江已閱裴公洞，復訪焦先到此山。險絕遠同巴蜀峽，巋然對峙海門關。神蛟戲浪時潛躍，野鳥巢林自往還。建業青山廣陵樹，開軒盡在酒壺間。裴公洞即金山寺蓋唐裴公所隱之地石洞尚在焦山寺乃漢隱士焦先隱居之所也

黃河舟中對月

汎舟遡長河，急月色明南風導。飛帆岸濶波濤平，近林鳥雀棲遠岫。烟霜生茲行道里，遙已見草木更初春。發燕轅首夏還江程，祿班敢威遲官守。常屏營何時歸計，遂不為世塵嬰。

笑憲使拔實彥卿

清時多顯達名使忽淪亡氣際萬夫特才華百代良燭妖
懸藻鑑刺兇厲干將搏擊風霜甚銓衡末掬當山濤公眼
衆張敞法威強持節巡行遠觀風號令揚執摧狐兔膽澤
被蚤蟊鄉課竅超恩級遷喬贊廟堂登瀛非左次移病輟
高翔歲憲重來肅民蠹自致戕埋輪声震岳戢羽誘盈囊
遂有賀蘭役其如隴道長衆思還表著堆料困膏肓漢
無鵬鵠山川失棟梁朋知皆雪涕志士搥嗟傷昔列儒班
日叨陪講席行音諧流水趣賞劇禊亭觴已矣惟荒土悲
哉對夕陽形骸雲霧杳名姓簡編香幸有池中鳳奇毛續
世祥

驛塗還至通州二首

秩祀非同使碧雞出門苑馬踏春泥
歸舟泊處榴花發千樹鳴蟬麥穗齊

潞河上水似登天破浪雲帆借我便宣室復祠仍漢侍薰
風入耳聽虞弦

詔篆西內宣文閣榜賜金織對衣二韻作

西清延閣冠雲霄金榜高懸日月
中殊寵何期沾舊侍弱豪又幸徹重瞳
克仁天大文章煥周業龍興禮樂隆
金織章身筐篚厚石渠獻納媿踈侗

初秋同揚國賢太監咬住伯堅少監子貞監丞暨
僚屬重汎湖遊西山

清商應候瑄涼颺滌炎歊蘭臺多暇佚西郊
共消搖凌晨

拂星露造興寧辭遙稼寶豐黃雲擊壤喧鬢髮重峦霏濕
翠澄湖莹冰綃朱華擁綠衣弄影酣且嬌菰蒲漾藻景柳
槐咽殘蛸樓船汎中流雅會崇風標華樞振遠樹妙舞蘄
潛鯢零虹駕文漪飛閣摩霄登臨劇賞眺沿洄屢停橈
累觴互稱壽氣合咲語饒微陰起天際踈雨鳴林梢異芳
襲四坐霞裏群仙逸回頭擾々中何啻萬仞超人生聚合
難况際休明朝同班侍辟府峨冠聽雲韶茲遊豈偶爾三
生舊相招宛然在瀛島孰謂非松喬年謝素曠達李郭真
英翹懽惊各灑々歸途盡陶々攬勝猶未徧尋盟更聯鑣
題右丞相親寫墨竹贈集賢大學士吳行可
相君手種双琅玕靈根得地元氣端清風白晝掃陰曠虛

心勁節參雲端鳳池出賞忽見此簫韶隱々來鶴鷺天真
灑落運生意筆力浩瀚迴狂瀾伯夷高潔伊尹任中立不
倚世所難瀛洲老仙永為好直道相期保歲寒

仲冬

詔行錢幣汰冗官均

田視草內廷作

聖主憂時欲阜康給音曉出相臣將

言多

承虞帝視

草非才媿子長西掖雪晴升陛

南憲日暖墨池香周官

商幣無彊計唱罷金雞聽

章

奉

旨寫至正通

文并

作

王政由來貴變通蒼生

衷年

今日九

府新規返古風何是黃金

紅楷文

敢擬長沙製額跡圖書贊

臘日大雪

神州當臘日大雪應深冬

餘三尺嚴城幾萬重婁豐

停史待上瑞泰和

寒光奮蟄龍

鵠立侍通明盤：白玉京

朝野頌同聲更化

乘亨會流泉撤衆情天休見天意億載鞏承平

次韻成誼并尚書雲中憶田園作

憶昔同班逐隊聖鳳池坊近海波墳署曹修史程功速齋
宿論文刻志勤長夏曉衝深巷雨高秋暮挹遠山雲咲談
會數清茶款酬倡情濃薄酒醺膠漆當時朋義合炎涼此
日秩資分閉門慎守千人誠一曲陽春雪裏聞

歲辛卯元旦朝賀作

玉衡應律東風細金闕朝元瑞氣多雪霽彤墀班隊肅雲
浮黃道樂声和宝華照宸香騰繞翠葆凌霄影盪摩既醉
宮壺歌聖德聰歸天陌緩鳴珂

崇文太監楊國賢使祠西岳江瀆

祠宮攝事輟論經天上文星即使星花滿晴川三漢輔鴈
啼雲棧幾江亭岷源廣澤尊群瀆華岳崇標翕百靈計日
歸釐侍宣室倚門望切莫稽停

至正十一年歲辛卯二月一日天下貢士及國子生會試
京師凡三百七十三人中書承詔校文取合格者百人
充廷對進士先二日鎖院凡三試每試間一日十
有二日揭榜時叅政韓公伯高知貢舉尚書趙君伯

器同知貢舉予與左司李君孟遜考試博士楊君士傑修撰張君仲舉同考試收掌試卷則典籍毛君之在也諸公皆翰苑舊游誠盛會也紀事四首奉呈

鳳皇街 詔下亨衢多士盈庭提八區九斗光芒明策府
東風生意滿皇都墨池淨几環香鼎燭影疏簾聽漏壺拭
目慶雲華穀旦敢令滄海有遺珠

邃館高居切赤霄迤萊弱水隔塵囂棘圍重鑰兵行肅筆
陳三壘士氣驕春夜沉 微雪下晴光蕩 宿陰消預知

天祐斯文意忍尺虞階奏九韶

朱卷如山品茅公英髦脫穎策奇功一時龍虎風雲會四
海菁莪雨露同人物古今需世用文衡高下與神通官聯

盡是相知舊此會難逢賴治隆

禮闈半月得從容料峭春寒似早冬警言夜每聞三弄角論
文直到五更鍾雁來遠路驚流景草茁閑庭失舊蹤得士
共為天下賀明朝揭榜醉黃封

二月十二日禮闈揭榜傳 宣張宴各賜衣幣榜

魁曰李國鳳趙麟号鳳麟榜又有三家兄弟聯中

号隸鄂榜皆前所未見也賦詩紀事三首

昔聞士榜稱龍虎今見魁名得鳳麟五色文章鳴治世百
年禮樂際昌辰鎔 堯閣惟空紀濯 周郊亦漫陳豈似
英才能瑞國羽儀仁趾作王臣

蟾宮折桂幾如期隸鄂聯芳世所稀恩榜高懸多士慶文

星双照一門輝
雲津駕浪龍
三躍霜塔題名鴈
並飛迭奏
堽麓台和氣
友于莫負老萊衣

峨：鐵鷹啟嚴封奕、貂蟬振士風
賓造又逢三載盛
技尤遂得百人推
上尊錫燕 恩深露文幣
頌衣色射虹
杞李臺萊皆在選 皇圖地厚與天崇

清華亭雅集酬李左司孟幽

左司瀟灑樂芳辰
邀客同留半日春
小院挑嬌風淡、曲塘柳暗水粼、
杯行到手寧辭醉
歌徹停雲各動神
華髮相逢情獨厚
東山綠野迹俱陳

周翰林近光集卷第三

扈從詩前序

至正十二年歲次壬辰四月予由翰林直學士兵部侍郎
拜監察御史視事之第三日寔四月二十六日

大駕北巡上京例當

扈從是日啓行五河口留信宿歷皇后店阜角至龍虎臺
皆納鉢也國語曰納鉢者猶漢言宿頓所也龍虎臺在昌
平縣境又名新店距京師僅百里五月一日過居庸關而
北遂自東路至羗山明日至車坊在縉山縣之東縉山乃
軒轅縉雲氏山山下地沃衍宜粟粒甚大歲供內膳今名
龍慶州者
仁廟降誕其地故也州前有澗名薊水風物可愛又明日

方言

入黑谷過色澤嶺其山高峻曲折而上凡十八盤而即平地遂歷龍門及黑石頭過黃土嶺至程子頭又過摩兒嶺至韻家營歷白搭兒至沙嶺自車坊黑谷至此凡三百一十里皆山路崎嶇兩岸縣厓峭壁深林複谷中則亂石犖确澗水合流淙淙終日深處數丈間有橋淺處馬涉頗難人烟並村塢僻處二三十家各成聚落種藝自養山路將盡兩山尤奇聳高出雲表如洞門然林木茂鬱多巨材近沙嶺則土山連亘堆阜聯絡惟青草而已地皆白沙深沒馬足故嶺以是名過此則朔漠平川如掌天氣陡涼風物大不同矣遂歷黑崮兒至失八兒禿其地多泥淖以國語名又名牛羣頭其地有驛有郵亭有巡檢司闌閘甚盛居

者三千餘家驛路至此相合而北皆畜牧之地無樹木徧生地椒野茴香葱韭芳氣襲人草多異花五色有名金蓮者絕似荷花而黃尤異至察罕腦兒云然者猶漢言白海也其地有水漑汪洋而深不可測下有靈物氣皆白霧故名其地有行在官曰亨嘉殿闕庭如上京而殺焉置雲需總管府秩三品以掌之沙井水甚甘潔釀酒以供上用居人可二百餘家又作土屋養鷹名鷹房雲需府宮多鷹人也駐驛于是秋必獵校焉此去納鉢曰鄭谷店曰明安驛泥河兒曰李陵臺驛雙廟兒遂至桓州曰六十里店桓州即烏丸地也前至南坡店去上京止一舍耳以是月十九日抵上京歷納鉢九十有八為里七百五十有

奇為日二十四大抵兩都相望不滿千里往來者有四道
焉曰驛路曰東路二曰西路東路二者一由黑谷一由古
北口古北口路東道御史按行處也予往季臧館閣雖屢
分署上京但由驛路而已黑谷輦路未之前行也回忝法

曹肅清

轍下遂得乘驛行所未行見所未見每歲扈從皆因族大
臣及環衛有執事者若文臣仕至白首或終身不能至其
地也寔為曠遇所至賦詩以紀風物得二十四首惜筆力
拙弱不能盡述也雖然現此亦大略可知矣鄱陽周伯琦
自叙

紀行詩

乘輿繩

祖武歲：幸溧京夏至今年早山行久雨晴日瞻黃道肅
夜拱北辰明隨步窺形勝周諏記里程

昌平古名縣諫議遠流芳石闌清谿急林昏暮樹蒼市闌
雲聚散閔嶺斗低昂輦路平如砥靈宮全異香

居庸東北路草細一川平夾岸山屏展穿沙水帶縈六龍
扶日御萬騎擁雲旌遊豫諸侯度懽哥兆姓迎

縉雲山獨秀沃壤歲常豐玉食資原粟龍州記渚虹荒祠

寒水下遺殿夕陽中誰信幽燕北翻如楚越東

右縉山縣今名龍慶州

車坊尚平地近嶺晝生寒拔地數千丈凌空十八盤飛泉

鳴亂石危磴護重闌俯視人寰隘真疑長羽翰右十八盤嶺
踰險夢頻悸循夷氣始愉千巘竒互獻萬壑執爭趨峭壁
劔門壯重梁星渚紆凡鱗期變化雷雨在斯須右龍門
嵐翠摩白斗林霏隱日車谷深幽境迴路轉列峰斜錦石
歌瑤草蒼叢綴白花柴門成聚落山崦盡人家
萬幕懸厓下高低踈復稠蜀墻聯虎衛幄殿聳龍樓榆柳
清長晝槐松颯早秋威容隘古昔神武鎮中州
羣牧綠山放行營散野屯烟塵弥四望蜂蟻混前村武警
當虞備邦謀要討論興王垂典則根本在元
崇岡繇鐵壘疊巘匝金城地峻風烟冷人稀草樹榮萱開
當夏晝麥秀比秋成雞犬知歸路牛羊認暮荆

薪蒸因地利種藝徧山阿却鳩毗居朴谿橋客途頗通宵
陰霰重盛夏北風多僻境輪蹄絕桃源未是過

岫分蒼筍特厓豁洞門高丹壁張羅綺青林挺旆旄野花
金映漣沙韭翠侵袍死馬驅馳慣長途步穩牢

山行三百里馬六不知疲谿澗淙急峰峦矗奇雲寒
蓬島曉雪霽會稽時風物無過此清綠有夙期

高嶺橫天出炎天氣候涼白沙深沒馬碧草淺連岡晨眼
增繚纒寒鄉貴稻梁土風多國語問井異尋常

晴川平似掌地執典天寬烟艸青無際雲岡影四圍貌貅
環武陣麟鳳擁和銮高獻南山壽同承湛露權

古沙嶺二首是日上都守

土官遠迎至此
內廷小宴

嶺西通驛傳山盡見郵亭萬灶閭閻聚千轅驃騎營市樓

風榮。野堠霞冥、堆略卑秦壘孤兵嘆廣青右牛群頭

涼亭臨白海行內壯黃圖貝闕明清旭丹垣護碧榆龍湫

時霖雨鷹署世衡虞駐蹕光先軌長楊只一隅右察罕腦兒猶漢言白海

地曠居人少山低雲影微石墻虫避燥土屋燕交飛沙淨

泉宜酒天涼秋合圍朔方戎馬最留牧萬群肥右明安驛

漢將荒臺下滌河水北流歲時何哀、風物尚悠、川草

花芬郁沙禽語滑柔暮梁遺句在過客重綢繆右李陵臺

桓州當孔道城築自唐時翊輔千年盛川原萬里夷草滋

新雨歇雲起遠山移迎送官僚習長懷被眷私右桓州古烏九地

南坡延勝槩一舍抵開平地蘊清涼界天開錦繡城雷轟

駝鼓振霞絢象輿行填道都人士瞻前戴

聖明右南坡

龍虎蟠清泚金湯據上游洛都光有漢豐邑啟成周宮鑰

專苗守邦符統牧侯丕基弥億載庙勝孰良籌

黃屋如天運紆徐再決旬慶雲籠左肅甘雨淨前塵非避

炎曦烈將悖盤石親初筵均沛澤大訓共敷陳

巡守綏歲旬游泛覽近風山川随地異声教此時同王業

躋難遠神都制作雄按行循故事不用避青駝

扈從詩後序

車駕既幸上都以是年六月十四日大宴宗親世臣環衛

官于西內掖殿凡三日七月九日望祭園陵竣事屬車轅

皆南向桑典也遂以二十二日發上都而南是日宿六十里店納鉢明日過桓州至李陵臺驛双庙兒又明日至明安驛泥河兒翼旦至察罕腦兒由此轉西至懷禿腦兒有大海在納鉢後懷禿腦兒猶漢言後海也曰平陀兒曰石頂河兒土人名為犯央潔其地南北皆水潔執如湖海水禽集育其中以其兩水故名犯央或云水禽惟犯央最多國語名其地曰濂里哈刺納鉢猶漢言遠望則黑也兩水之間壤土隆阜廣袤百餘里居者三百餘家區脫相比諸部典漢人襟處頗類市井日商而致富者甚多有市酒家賞至巨萬而連姻貴戚者地氣厚完可見也俗亦飼牛力穡粟麥不外求而贍凡飼五牛名曰一耕地五六頃收

粟可二百斛問其農事多少則曰牛幾具察罕腦兒至此百餘里皆雲需府境也界是而西則屬興和路矣納鉢曰若水河兒曰回：柴國語名忽魯禿漢言有水潔也隸屬州保昌曰忽察禿猶漢言有山羊處也地饒水艸野獸兔最多鷹人善捕歲資為食又西二十里則興和路者世皇所創置也歲北巡東出西還故置有司為供億之所城郭周完闐闐叢夥可三千家市中佛閣頗雄偉蓋河東憲司所按部也西抵太原千餘里郡多太原人郊圻地陝陀窳隍便種藝路置二監一守餘同他上郡東界則宣德府境上都屬郡也府之西南名新城武宗築行宮其地故又名曰中都棟宇今多頽圯蓋

大駕久不臨矣由兵和行三十里過野狐嶺、上為納鉢地甚高風寒凜栗不可由山石犖确中央深澗夏秋多水東南盤折而下平地則天氣即暄至此無不減衣者前至得勝口宣德宣平縣境也地宜樹木園林連屬宛然燕南有御花園雜植諸果中置行宮果有名平坡者似來禽而大紅如朱砂味甘酸又有名忽刺必者比平坡又大味甘鬆相傳種自西域來故又名之曰回、果皆殊品也得勝口南至宣平縣十五里小邑也去邑三十里有山出瑪瑙石可器又前至沙嶺沙深車馬涉者甚難又五十里至順寧府本宣德府也比年曰地震改今名原地沃衍多農民又宜藍澱草頗有工漆者亦善地也南過坳兒領路並厚

石下臨深澗險阨可畏澗黃流浩汗東南數百里穿居庸關流至京城南盧溝合衆水執甚大名為渾河每歲都水監專其事否則為患不小領路叅互四十里至雞鳴山疊嶂排空繚亘二十餘里有小寺在山顛旁有樵木泉所經也望之如在半天邊山隘迫尤甚又南二十里乃平地曰雷家驛京尹所治也雷家驛之西北十里納鉢曰豐樂豐樂二十里至阻車納鉢又二十里至統幕則與中路驛程相合而南歷狼居胥山至懷來縣、唐所置也四山環抱流注市有長橋水名媽川唐名媽川郡有碑可考縣南二里納鉢也凡官署苗京師者皆盛具牲酒果核于此候迎大駕仍張大宴慶北還也南則榆林驛即漢史衛青傳所

謂榆谿舊塞者自懷來行五十五里至媽頭又十里入居庸關、南至昌平龍虎臺又南則皇后店阜角大口焉遂以八月十三日至京師凡歷納鉢二十有四為里一千九十又五此輦路西還之所經也北自上都至白海南自居庸至大口已見前序故得而略獨詳其所未經者耳因制凡官署之幕職掾曹當扈從者東西出還甲乙番次多不能無惟監察御史

扈從與因人世臣環衛者同東西之行得兼歷而悉覽焉昔司馬遷遊齊魯吳越梁楚之間周徧山川遂奮發于文章焜耀後世今予所歷又在上谷漁陽重關大莫之北千餘里皆古時騎置之所不至轍跡之所罕及者非我

元統一之大治平之久則吾黨逢掖章甫之流安得傳軺建節擁侍乘輿優游上下于其間哉既賦五言古詩十首以紀其寔復為後序以著其槩不惟使觀者得以擴聞見抑以志吾生之多幸也歎鄴陽周伯琦述紀行詩

懷禿腦見作漢言後海也

侵晨離白海輦路轉西邁野光散平蕪山容列俯黛秋風動地來曾波忽澎湃戎禹多鷗嘶寒声襲鞶帶踰崑覽晴川夷曠襟抱快白花間紫莛將七委珩珮出與足日前絕境疑方外旌麾匝雲屯輿帳擬

行在法從各有司諫垣敢荒怠邊報叢遠函蒼黃盡吁恠
解鞍榻前村伏枕念當代王綰未旒綴群生半塵芥紆軫
誰與言沉思屢長嘅東南何時蘇吾欲問大塊是日驛報執省

紀央梁作

官路何逶迤里數不可度宿止有常程晚公紀央梁山低
露草深天朗雲氣薄積水風颭平沙烟漠漠鳧鷖雜翔
集巨鱗倏潛躍居人歲取給遠眺僅一勺原隰多種藝農
奚犬牙錯滌塲盈粟麥力穡喜秋獲舒徐八駿遊相羊瑤
池樂山川豈不佳人事日蕭索畜牧行邦供征徭非昔昨
都人望翠華朝候靈鵲

興和郡

屬河東憲司按部西抵太原千餘里

我行已旬涉所歷皆朔漠興和号上郡陂陀具城郭梁陽
界東履汾晉直西略提封廣以遐編氓半土著連薨結賈
區魯接瞰寥廓要會稱雄麗執壓諸部落興王遠垂裕百
載承制作北巡必西還遠儼東邑洛供億須告繇撫循在
恭恪四鄰慎備虞三輔嚴寄託賢愚不同調虫沙與猿鶴
長願四海清漢儀歲輝燦

野狐嶺

嶺界南北甚寒南下平地則暄矣

高嶺出雲表白晝生虛寒冰霜四時凜星斗咫尺攀其陰
控朔部其陽接燕關澗谷深巨測梯磴紆百盤均埵艸披
拂崎嶇石嶺屹輪蹄紛襍還我馬習以安悅然九天上熙
熙俯人寰迤邐東重隘拱揖猶城垣停鞭履平地回首執

望尊繇衣遂頓減長途汗流驕亭柳蔭古道園果登御筵
境雖居庸北物色幽薊前始悟一嶺隔氣候殊寒暄小邑
名宣平相距兩舍間牛羊歲蕃息土沃農事專野人敬上
官柴門暮歛延休養嘉承平禹迹邁古先漢唐所羈縻今
則同中原夫哉輿地圖垂剏何其難張皇我六師金湯永
深堅

自順寧府歷均兒領臨渾河上源過雞鳴山晚宿

雷家驛

郡治頗清曠民俗亦樸淳川原西成饒景物娛晨征登頓
未及晡修領忽前陳亂石森礪上濁流奔紘斗厓鳴湏
洞險迳緣鄂齧園林暗回隄峯嶽排秋旻海鵬奮凌風江

鮫歛乘雲雞鳴俗語傳世遠昧所因招提據危巔略約橫
天津睥睨窮毫芒翕忽叢鬼神六龍行中天壯觀齊崑崙
造設開闢先顯耀當茲辰垂髻耳已熟華顛目方親甚欲
恣冥搜赤日昏黃塵紀勝猶挂漏現風能宣旬

懷來縣

山風日多寒近燕苦秋陽懷來雖小縣肇置自李唐泉甘
沙井冽橋古川流長重岡相抱環遠山執低昂
銜輿歲西還傾朝迎道傍蟠桃百寶盤敬工萬年觴三登
調玉燭羣黎樂康莊吾

皇仁聖君動必循彛章宵旰貽近憂苗頑尚跳梁所賴根
本固忍此杖葉傷思見萬邦寧野無遺貧良

榆枻驛

漢史稱榆谿長塞即此也

昔人多種榆今人惟種柳堅脆雖不同氣盡同一朽此地
名榆林自漢相傳舊但見柳青々夾路忘炎晝行旅蘇汗
暍車騎藉陰覆培植將百年柯葉日滋茂驛亭當要衝人
烟紛輻湊崇山峙東西步障明錦繡犖路中平々形勝信
天授宛如道衡廬中流望雲岫初夏別都城攀條集親友
茲還秋將中涼颼滿衣袖物態有變容歲月如反手不問
柳與榆生意要悠久

入居庸關

出關復入關五見月上弦艸木雖未霜寒風已凄然厓路
何行縈疊嶂橫中天上太古石下有無底泉幽致良足

嘉萬雷柰喧闐馴象宝嚮鳴紫駝錦幟鮮鐵騎簇雲隊黃
屋循星躔時巡謚風俗執法恭後先達官國同休拔宅如
登仙細民終歲勞輸轉百苦煎苦樂殊雲泥使我中心惛
偶經岩谷勝復憶江湖孺升高望白雲楚天浩無邊王師
未休息敢賦歸來篇

龍虎臺

在昌平縣境北距居庸關廿五里

巍々百尺臺蕩々昌平原隆々鎮天府奕々環星垣居庸
亘北紀隩區歛全燕蒼龍左蟠擘白虎右踞躡斯名豈易
得天以遺吾元明々傳正統

聖子及

神孫巡歸々駐蹕衣冠照乾坤山川皆改容艸木亦被恩

章華民力。拍梁侈心存。豈若回自然。張設一旦昏。雄偉
國執重簡儉。邦本敦年。舉盛典。宮中奏雲門。

大口

其地有三大埵。土人謂之三疋。距都北門二
十里。

三埵何崇。遙直都門。北天肅烟嵐。青野迴露草。白紫氣
千里。臨覬旌拂。秋色文武。追老倪。抃舞拜路側。萬羊肉如
陵。萬甕酒如澤。國家富四海。于以著功德。詰朝御大明。
湛露春拍。簫韶設九天。歡聲溢達陌。非才忝扈從。所取
陳典則。

皇基奠泰山。億兆寃安宅。

夫惟

天子時巡。治古之令典。儒臣扈從。彌文之盛觀。是故鹵有
簿以紀侍衛之名。路有史以載見聞之實。其來蓋已遠
矣。維茲玄默。執徐之歲。朱明仲呂之月。

當宁面南。南服闢四方之路。以盡多士之才。執法侍

上。上京持數寸之筦。以申三尺之令。于時鄱陽周君伯溫

衰然炎虛之秀。膺是崇臺之除。乘鷺羽之潔清。從

翠華之密勿。身歷乎山川之美。固目覩乎星月之推遷。

進而載馳。載驅退而爰咨。爰度抒思。輒形諸清詠。回轅

遂積乎佳篇。彙以示余。屬之叙引。觀其幢。行李之役

汲。竹奏之誠。螭均舊傳。載筆載筆。其有述乎解廡。必

用識一識丁况能賦者率尔卷端之并詔諸柱後之冠
云翰林學士承旨光祿大夫知制誥無修國史
翼郡歐陽玄書于視草堂

右扈從詩并前後序二通今左丞鄒陽周公為監察
御史時所作也 國朝混一以來中臺南士之選惟
公居首公踐歷華要績享名祿垂四十年深感遭際
形之著述一以贊規摹之大一以彰声教之隆居安
慮危見于言外既而澄清蕃宣東南是賴短章大篇
奚啻千百未遑銓次預以是集鉅梓傳播以俟史氏
纂一代之雅頌職方為全書者有所稽焉門生鄉貢
進士海昌賈祥麒謹題



書